



Početna / Informacije MUP-a

Uprava policije informacija za period 04/05.03.2026.godine.

Datum: 05.03.2026.

Podijeli:



Odšampaj stranicu



U protekla 24 sata na području Bosansko-podrinjskog kantona Goražde, u ulici Rasima Prljače – općina Pale u F BiH, policijski službenici policijske stanice Prača izvršili su zaustavljanje i kontrolu nad putničkim motornim vozilom marke “Renault Clio”, kojim je upravljalo jedno lice iz Foče RS BiH, gdje su policijski službenici prilikom vizuelnog pregleda zapazili da isti u prtljažniku vozila ima jedno pvc pakovanje bijele materije koja svojim izgledom asocira na opojnu drogu “Amfetamin” bruto težine 1.017,56grama. Navedeno lice lišeno je slobode, a na lice mjesta izašli su policijski službenici Sektora kriminalističke policije, Uprave policije MUP-a BPK-a Goražde koji su izvršili uviđaj. Na osnovu usmene naredbe Općinskog suda Goražde i saglasnosti Kantonalnog tužioca, izvršen je pretres navedenog vozila gdje prilikom pretresa nisu pronađeni traženi predmeti. U službenim prostorijama Sektora kriminalističke policije nad pomenutim licem izvršena je kriminalistička obrada i isti je smješten u prostorije za zadržavanje u Policijskoj upravi Goražde. Upoznat je i dežurni Kantonalni tužilac koji je događaj kvalifikovao kao krivično djelo “Neovlaštena proizvodnja i stavljanje u promet opojnih droga” iz člana 238. stav 1. KZ FBiH.

Dežurnoj službi Policijske stanice Goražde od strane jednog lica prijavljeno je da mu je lice nastanjeno u ulici Adnana Mehanovića – Grad Goražde prouzrokovalo materijalnu štetu na privatnom imanju i na zaštitnoj željeznoj ogradi. Na lice mjesta izašli su policijski službenici Uprave policije MUP-a BPK-a Goražde koji su ispitali navode prijave te pomenutom licu uručili prekršajni nalog iz oblasti Zakona o prekršajima protiv javnog reda i mira zbog naručito drskog ponašanja.

Dežurnoj službi Policijske stanice Goražde prijavljeno je da jedno lice posjeduje vatreno oružje bez odgovarajuće dokumentacije, koje se nalazi u u ulici Fazlagića – Grad Goražde, i u mjestu Hrenovica općina Pale F BiH. Po navedenoj prijavi postupali su policijski službenici Uprave policije MUP-a BPK-a Goražde, gdje je tom prilikom jedno lice iz Goražda dobrovoljno predalo jednu lovačku pušku nepoznate marke, cal. 16 mm, ser. broja: 2086. i jednu malokalibarsku pušku ser. broja:1101. Prema izjavi pomenutog za malokalibarsku pušku ima urednu dokumentaciju koju nije imao sa sobom dok je druga puška bez odobrenja i dokumentacije. O gore navedenom događaju upoznat je Kantonalni tužilac, a dalji rad na navedenom događaju je u toku.

Policijski službenici Uprave policije MUP-a BPK-a Goražde, postupali su u jednom slučaju u skladu sa Zakonom o zaštiti od nasilja u porodici i nasilja nad ženama u F BiH, gdje je o svemu navedenom upoznat i dežurni Kantonalni tužilac.

Informacije MUP-a

Vidi sve >

04
Mar

Uprava policije informacija za period 03/04.03.2026.godine.

03
Mar

Uprava policije informacija za period od 27.02. do 03.03.2026.godine.

27
Feb

Uprava policije informacija za period 26/27.02.2026.godine.

26
Feb

Uprava policije informacija za period 25/26.02.2026.godine

25
Feb

Uprava policije informacija za period 24/25.02.2026.godine.

24
Feb

Uprava policije informacija za period 23/24.02.2026.godine.



Bosansko-podrinjski kanton Goražde jedan je od deset kantona unutar Federacije Bosne i Hercegovine. Nalazi se u Istočnom dijelu Bosne i Hercegovine, a u njegovom sastavu su Općina Foča FBiH, Općina Pale FBiH i Grad Goražde, u kojem je administrativno sjedište kantona.

Kontakt

tel: +387 38 221 212

fax: +387 38 224 161

email: info@bpkg.gov.ba

Adresa

1. slavne višegradske brigade 2a

73000 Goražde

Bosna i Hercegovina

Pratite nas

